



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1702. usque ad annum 1708

Fleury, Claude

August. Vind. [u.a.], 1781

VD18 13322648

§, 22. Quesnellus a suis Amicis e carcere ereptus.

[urn:nbn:de:hbz:466:1-67633](https://nbn-resolving.org/urn:nbn:de:hbz:466:1-67633)

§. XXII.

Quesnellus a suis Amicis e custodia ereptus.

Hærebat Quesnellus per integrum bimestre in Archiepiscopali carcere, ubi tamen nullum resipiscendi propositum, sed unice elabendi sollicitudinem fovebat, haud ignarus, quod ejus amici extrema quæque pro ejus liberatione tentaturi essent: ut vero eisdem cubiculi, in quo detinebatur, situm indicaret, ex plumbo fenestris abstracto calamum sibi confecit, & schedulam linteaminibus involutam ad Ernestum S. Gundulæ Canonicum perscripsit hujus tenoris: *de me non sis sollicitus, cubiculum meum prospicit ad aream stabuli, una fenestra vergit ad hortum illius popinæ, quæ inter Palatium Archiepiscopale, & PP. Dominicanos interjacet.* Hæc quidem schedula a Ministris reperta Ernesto nullatenus reddita est: eadem vero rursus Quesnellum ad suos amicos perscripsisse, inde patet, quod in eadem taberna effractionis negotium fuisset peractum; nam quidam Nobilis Gallus summa inopia pressus, & opifex quidam a Quesnelli amicis conducti noctu inter undecimam & duodecimam Septembris diem in præfatæ popinæ stabulo

Sæc. XVII. A. C. 1703. Palatii Archiepiscopalis parietem perforarunt, ac foramen adeo amplum fecere, ut postera nocte continuato opere per illud Quesnellus facile extrahi potuerit: Ita ergo circa horam primam præfatæ noctis evasit, erupit, nil nisi plurima epistolarum, quas in hoc carcere a suis receperat, in minutissimas partes discerptarum fragmenta relinquens. Delituit Bruxellis per aliquot dies, tandem vero clam Namurcum, inde Huyum, ac demum Amstellodamum contendit: Enimvero Quesnelli fautores sparsis per urbem literis eum velut alterum Paulum deprædicabant, & ipse Quesnellus in epistola ad Vicarium Generalem Bruxellensem data jactitabat, se ab Angelo Dei velut alterum Petrum e carcere eductum fuisse, neuter tamen ex his Apostolis ficti nominis mendacio, quæsitisque latebris, suos hostes effugere, aut carceris effractione libertatem redimere intenti erant.

§. XXIII.

Varia scripta in Quesnelli cubiculo reperta.

Quamvis violenta hæc carceris effractione ac fuga Quesnellum condemnet, ac flagitii convictum probet, luculen-